



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



Ltn  
✓862




1999



# ԿԱՆՈՆՔ

ԵԿԵՂԵՑԱԿԱՆ - ԾԻԱԿԱՆ

ՈՒՍՈՒՄՆԱՐԱՆԱՑ ՀԱՅՈՑ



ՎԱՂԱՐՇԱՊԱՏ

Ի ՏՊԱՐԱՆԻ ՍՐԲՈՑ ԿԱԹՈՒՂԻԿԷ ԷԶՄԻԱԾՆԻՑ

ՌՕԼԸ—1889



776

ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՒՐՑԻ ԿՈՒՐՑԻ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՒՐՑԻ ԿՈՒՐՑԻ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՒՐՑԻ ԿՈՒՐՑԻ

**ՀՐԱՄԱՆՍԻ**

**ՏԵԱՌՆ ՏԵԱՌՆ ՄԱԿԱՐԱՅ**

**ՎԵՀԱՓԱՌ ԵՒ ՍՐԲԱԶՆԱԳՈՑՆ**

**ԿԱԹՈՒՂԻԿՈՍԻ ԱՄԵՆԱՑՆ ՀԱՅՈՑ**

ՀԱՅԿԱՍՏԱՆԻ ԿՈՄՍՅՈՒՆԱՐԻ ԿՈՒՐՑԻ ԿՈՒՐՑԻ

7 862-ա

ՀՔ. 864

1881-1882



Հաւանք գտեալ մեր ընդ կանոնադրութիւնս  
այս՝ որ վասն եկեղեցական-ծխական երկ-  
աեռից միդասեան եւ երկդասեան ուսում-  
նարանաց Հայոց՝ հաստատեմք:

Ք վերայ իսկականին ստորագրեալ է:

ՄԱԿԱՐ

ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ:



ԿԱՆՈՆՔ

ԵԿԵՂԵՑԱԿԱՆ — ԾԽԱԿԱՆ ՈՒՍՈՒՄՆԵՐՆԵԱՅ  
ՀԱՅՈՅ:

Ա. ՀԱՆՐԱԿԱՆ ԿԱՆՈՆՔ.

1. Եկեղեցական — ծխական ուսում-  
նարանք Հայոց կարգեալ են առ եկեղե-  
ցեօք և վանօրէիւք ի քաղաքս և ի  
գետօղս ի տալ մանկանց Հայոց երկուց  
սեռից զհոգեւոր կրթութիւն և զսկզբ-  
բունս կարեւոր գիտելեաց:

2. Եկեղեցական— ծխական ուսումնարանք բացեալ լինին հրամանաւ Վեհափառ Հայրապետի ամենայն Հայոց և կառավարին ընդ ձեռն թեմակալ Առաջնորդաց համաձայն սոյն կանոնադրութեան և առանձին հրահանգօք Նորին Վեհափառութեան:

3. Եկեղեցական— ծխական ուսումնարանք բաժանին յերկուս կարգս— Միդասեան և Երկդասեան:

4. Ժամանակ ուսման աշակերտաց և աշակերտուհեաց սահմանի՝ վասն առաջնոյ կարգի՝ ոչ պակաս քան զերիս ամս, իսկ վասն երկրորդին՝ ամս հինգ:


5. Եկեղեցի, որ սղութեամբ արդեանցն անձեռնհաս լինի պահել զառանձինն Ուսումնարան, ըստ կարգադրութեան Առաջնորդի՝ կարէ օժանդակել պահպանութեան այլում ուսումնարանի:

6. Միմեանց մերձաւոր գիւղորայք, գումարելով ի մի զեկեղեցական և զժողովրդական գումարս չիւրեանց, կարեն պահել զմի կենտրոնական ուսումնարան, զորոյ զտեղին ընտրեսցէ Առաջնորդն:

7. Եկեղեցական — ծխական ուսումնարանք ազայոց և օրիորդաց պարտին լինիլ օրիշք ի միմեանց՝ թէպէտ և երկրքին և օ գտանիցին ի նմին գաւթի եկեղեցւոյ:

8. Ամենայն եկեղեցական — ծխական ուսումնարանք պարտին ունիլ զկնիք ըստ որոշեալ ձևոյ, որ պահպանի միշտ առ նախագահս հոգաբարձութեանց:

9. Եկեղեցական — ծխական ուսումնարանք Հայոց միգասեանք և երկգասեանք ըստ կանոնադրութեան զինուորագրութեան վայելեն զարտօնութիւնս չորրորդ կարգի ուսումնարանց համա-



Ճայն « Թ » յաւելուածոյ ԾԳ. յօդուածոյ զինուորագրական կանոնադրութեան: (IX приложение въ 53 статья въ устава воинской повинности, 1888 г.)

10. Ուսուցիչք եկեղեցական — ծխական ուսումնարաց, եթէ վիճակահանութեամբ պարտաւորեցին գնալ ի զինուորութիւն, ազատք են յիսկական զինուորական ծառայութենէ, և համարին ի կարգի պահեստի զօրաց յընթացս հնգետասն ամաց. իսկ եթէ գտցին ի պաշտաման ուսուցչութեան անընդհատ զամս վեց և ցուցցեն ամբստ ամէ զվկայագիր պաշտօնավարութեան իւրեանց, իսպառ ազատին ի զինուորական հարկէն: (Уст. воинск. повинности ст. 63 изд. 1888 г.)

Բ. ՅԱՂԱԿՍ ԱՌԱՋՆՈՐԴԱՑ.

11. Առաջնորդք վիճակաց՝ ի խնդրել ի վեհափառ Հայրապետէն զիրա-

ւունս բանալոյ զեկեղեցական—ծխական ուսումնարանս՝ ի նմին յայտարարութեան պարտին ծանուցանել Նորին Վեհափառութեան, թէ յորճում տեղւոջ և սրբախի ուսումնարան կամիցին բանալ և որո՞վ արդեամբ պահպանեսցին այնոքիկ:

12. Եկեղեցական—ծխական ուսումնարանք պահպանին եկեղեցական արդեամբք, թոշակօք աշակերտաց և աշակերտուհեաց, և կամաւոր նուիրանօք ժողովրդեան ըստ կարգադրութեան Առաջնորդաց:

13. Առաջնորդք տան հրաման գործադրելոյ զմասն ինչ յեկեղեցական արդեանց եկեղեցւոյն, իսկ ժողովուրդըն յանձն առնու վաւերացեալ համախօսական թղթով լրացուցանել ըզգումարն, որ պիտոյ իցէ ի պահպանութիւն ուսումնարանին:

14. Եթէ դիպեսցին պատճառք արգելառիթք պահպանութեան միոյ իրիք յուսումնարաց, առաջնորդք յետ զամենայն հնարս ի գործ դնելոյ՝ տնօրինեն զարժանն և անյապաղ ծանուցանեն նորին Վեհափառութեան զկարգադրութենէ իւրեանց:

15. Առաջնորդք առաջի առնեն ըզհոգաբարձունս և զինամակալս ի հաստատութիւն Վեհափառ Հայրապետի:

16. Առաջնորդք զկարգմանէ և զարձակմանէ ուսուցչաց և ուսուցչուհեաց յայտնեն անյապաղ Վեհափառ Հայրապետին:

17. Առաջնորդք զմերձաւոր հսկողութիւն ի վերայ ուսումնարական գործոց ի գաւառսն առանձին հրահանգաւ յանձնեն փոխանորդաց իւրեանց, որք աջակցեն հոգաբարձութեանց և աւագ ուսուցչաց, յաճախեն յուսում-

նարանս ի ժամ գասախօսութեանց,  
նախագահեն ի ժամ հանդիսակատա-  
րութեանց և հարցաքննութեանց, և  
զամենայն դիտողութիւնս իւրեանց  
ըբարոյական և զուսումնական ընթա-  
ցից և զոնտեսական փիճակէ ուսում-  
նարանաց մատուցանեն առաջնորդաց:

18. Առաջնորդք ըստ նկատողու-  
թեան իւրեանց կարգեն հոգաբարձու  
զմի ոմն ի քահանայից, որ է միանգա-  
մայն և նախագահ հոգաբարձութեան:

19. Առաջնորդք կարգեն զաւագ ու-  
սուցիչսն և զաւագ ուսուցչուհիս և  
հաստատեն ի պաշտաման զուսուցիչս  
և զուսուցչուհիս, զառաջարկեալսն  
յաւագ ուսուցչէ:

20. Առաջնորդք հաստատեն զարձա-  
նագրութիւնս մանկավարժական խոր-  
հրդոց յազագս արդեանց տարեկան  
հարցաքննութեանց:

21. Առաջնորդք յաւարտ ուսումնական տարւոյ զամենայն զտեղեկագիրս՝ վերաբերեալս համօրէն ուսումնարաց վիճակին մատուցանեն Վեհափառ Հայրապետին՝ հանգերձ գիտողութեամբ իւրեանց զգործադրութենէ կանոնացս, զընթացից ուսման և զտրնտեսական վիճակէ նոցին ոչ անագան քան ցվերջ յուլիսի:

22. Առաջնորդք, եթէ կամիցին տալ իրաւունս ի կիրարկանելոյ զգառական մատեանս, եղեալս արտաքոյ հաստատեալ ցուցակին, պարտին նախ առաքել զմի օրինակն նորոյ մատենին հանգերձ գիտողութեամբք իւրեանց և հայցել զհաստատութիւն նորին Վեհափառութեան:

Գ. ՅԱՂԱԳՍ ՀՈԳԱԲԱՐՉՈՒԱՑ.

23. Երկդասեան եկեղեցական-ժխական ուսումնարանք թէ ի քաղաքս և



Թէ՛ ի գիւղօրայս ունիցին զչորս հոգաբարձուս՝ երկօրումք անձնափոխանորդօք. առաջին ի հոգաբարձուաց լիցի մին ի քահանայից՝ ըստ որոշման Առաջնորդի, երկրորդն՝ երեցփոխանն եկեղեցւոյն, իսկ երկուքն հանդերձ անձնափոխանորդօք ընտրեսցին ի ծխականաց նոյն եկեղեցւոյ եռամեայ ժամանակաւ:

24. Միգասեան եկեղեցական-ծխական ուսումնարանք Թէ՛ ի քաղաքս և Թէ՛ ի գիւղօրայս ունիցին զերիս հոգաբարձունս՝ միով անձնափոխանորդաւ. առաջինն ի հոգաբարձուաց լիցի մին ի քահանայից՝ ըստ որոշման Առաջնորդի. երկրորդն՝ երեցփոխան եկեղեցւոյն, իսկ երրորդն հանդերձ անձնափոխանորդաւ ընտրեսցի ի ծխականաց եռամեայ ժամանակաւ:

25. Հոգաբարձուք եկեղեցական--ծխական կենտրոնական ուսումնարա-

նաց ի գիւղօրայս լիցին՝ քահանայն ըստ որոշման Առաջնորդի և երեցփոխան եկեղեցւոյ գեղջն, յորում գտանի կենտրոնական ուսումնարանն, նոյնպէս և երեցփոխանք այնց եկեղեցեաց, որոց ծխականք՝ ըստ կարգադրութեան Առաջնորդի նպաստեն պահպանութեան այնր ուսումնարանի եկեղեցական կամ ժողովրդական արդեամբք:

26. Քահանայ հոգաբարձուն է միանգամայն և նախագահ հոգաբարձութեան:

27. Հոգաբարձուք զմի ոմն յանդամոց իւրեանց կարգեսցեն գանձապահ փոխադարձ երաշխաւորութեամբ իւրեանց:

28. Ընտրութիւն հոգաբարձուաց և անձնափոխանորդաց լինի հրամանաւ Առաջնորդաց ընդ ձեռն փոխանորդաց և գործակալաց ի գաւիթս եկեղեցեաց ըստ այսմ եղանակի:

ա. Աւուրքք ինչ յառաջ փոխանորդք  
կամ գործակալք տան կազմել ընդ-  
ձեռն ծխատէր քահանայից այնր եկե-  
ղեցւոյ, յորոյ անուն բացեալ լինի ու-  
սումնարանն, ցուցակս ծխականաց  
իւրեանց, հասելոց ի չափ ամաց, ոչ  
պակաս քան զ25. ապա ծանուցմամբ  
յեկեղեցւոջ և առանձին հրաւիրական  
թերթիւ կոչին ցուցակագրեալ ծխա-  
կանքն յընտրութիւնն պատգամաւո-  
րաց:

Ծանօթ. ժամաւորք չունին իրաւունս  
մասնակցել յընտրութիւնն պատգամա-  
ւորաց:

բ. Ի լինիլ ժողովոյն փոխանորդն  
կամ գործակալն ի ներկայութեան  
ծխատէր քահանայից՝ ըստ նախայիշեալ  
ցուցակի որոշեսցէ զընտրողսն և եթէ  
թիւ առաջիկայիցն իցէ առաւել քան  
զմի մասն ի հնգից համօրէն ցուցակա-

գրելոցն, լինի ընտրութիւն պատգամաւորաց ի միջոյ չափահաս ծխականաց նոյն եկեղեցւոյ:

Գ. Թիւ պատգամաւորաց որոշի այսպէս, յառաջին հարիւրոց ծխոց եկեղեցւոյն (և ոչ ժամաւորաց) ընտրին անձինք հինգ, ի մնացեալ հարիւրոց յիւրաքանչիւրոցն անձինք երկուք:

Ծանօթ. Ծխականք թուով պակաս քան զհարիւրն ընտրեն պատգամաւորս հինգ, և պակաս քան զերկու հարիւրն՝ ընտրեն պատգամաւորս եօթն և այլն:

Դ. Եթէ վասն սակաւ գոլոյ թուոյ ընտրողաց խանգարիցի ընտրութիւն պատգամաւորաց յառաջնում նուազի, հրաւիրեսցին ծխականք ի կրկին գումարումն՝ զկնի եօթնեկի միոյ, եթէ ի կրկնելն ևս ոչ լիցի ընտրութիւնն՝ միմիայն զանցառութեամբ ծխականաց, առաջնորդն տնօրինեսցէ զարժանն առ

ի կառավարել զգործս ուսումնարանին,  
յետ նախապէս առնլոյ զհաստատութիւն  
Վեհափառ Հայրապետի:

Ե. Պատգամաւորք յետ ընտրութեան  
իւրեանց՝ զկնի եօթնեկի միոյ գումարին  
ի գաւիթ եկեղեցւոյ ընդ նախագահութեամբ  
փոխանորդաց կամ գործակալաց և ընտրեն  
զսահմանեալ թիւ հոգաբարձուաց և անձնափոխանորդաց  
ի միջոյ ծխականաց (և ոչ ժամաւորաց)  
նոյն եկեղեցւոյ:

Զ. Ժողով պատգամաւորաց ճանաչի  
օրինաւոր, եթէ առաջիկայ գտանիցի  
 $\frac{3}{4}$  ընդհանուր թուոյ նոցին:

Ծանօթ. Յետ ընտրութեան հոգաբարձուաց  
իրաւունք պատգամաւորաց համարի ընդ  
միշտ լուծեալ:

29. Ծխականք, որք ունին ի վարձու  
զկալուածս եկեղեցւոյն և ուսումնա-

րանին կամ օրինաւոր դաշամբք և մուրհակօք կրեն պարտաւորութիւնս ինչ առ այնօսիկ, զրկին յիրաւանց ընտրեալ լինելոյ ի պաշտօն հոգաբարձուի:

30. Ուսուցիչք այնօցիկ ուսումնարանաց, որոց վասն ընտրին հոգաբարձուք, չունին իրաւունս ընտրող և ընտրելի հանդիսանալոյ ի ժողովսն:

31. Յընտրութիւն հոգաբարձուաց ուսումնարանացն, որք ընդունին նրպաստս յայլոց եկեղեցեաց, գումարին պատգամաւորք եկեղեցւոյն, յորոյ անուն բացեալ լինի ուսումնարանն, ընդ պատգամաւորացն մասնակցեն և երեցփոխանք այնօցիկ եկեղեցեաց, որք մատակարարեն նպաստս, և ապա լինի ընտրութիւն հոգաբարձուաց ի ծխականաց միացեալ եկեղեցեացն:

32. Եկեղեցական – ծխական ուսումնարանք, որք պահպանին յատուկ

խնամակալօր, կառավարեսցին ընդ ձե-  
ռըն նոյն խնամակալաց ընդ նախագա-  
հութեամբ քահանայի, զոր խնամա-  
կալք միջոցաւ Առաջնորդի առաջար-  
կեն ի հաստատութիւն Վեհափառ  
Հայրապետի:

33. Հոգաբարձուք եկեղեցական—  
ծխական ուսումնարանաց ի մտանելն  
ի վարումն պաշտաման կազմեն զնա-  
խահաշիւ մատակարարութեան տարե-  
կան ծախուց առ եռամեայ ժամանա-  
կամիջոցն պաշտօնավարութեան իւր-  
եանց և յետ ընդունելոյ յԱռաջնոր-  
դէն զհաստատութիւն այնորիկ՝ վարին  
ըստ ամենայնի համաձայն այնր նախա-  
հաշուոյ: Փոփոխութիւնք յայսմ նա-  
խահաշուի կարեն լինիլ գիտութեամբ  
Առաջնորդի և այն՝ ի կարի բացառա-  
կան դէպս:

34. Յաւարտ ուսումնական տարւոյ  
հոգաբարձուք մատուցանեն Առաջնոր-

դաց զտարեկան հաշիւս մտից և ծախսուց ուսումնարանաց ընդ ձեռն փոխանորդաց կամ գործակալաց:

35. Հոգաբարձութիւնք ուսումնարանոց փոյթ ունիցին, զի ըստ չափուկարողութեան գտանիցին յիւրաքանչիւր ուսումնարանս գրադարանք և զանազան ուսումնական և դասական պիտոյք:

36. Հոգաբարձուք փոյթ ունին առհասարակ զուսումնական պիտոյից ուսումնարանաց, մանաւանդ պարտ է նոցա հոգալ, զի դիւրագին մատակարարեսցեն աշակերտելոց զայնոսիկ պիտոյս, որոց վասն ընդունին առանձին տուրս յաշակերտելոց:

37. Հոգաբարձութիւնք ունին ստանալ յԱռաջնորդաց զերկուս ժապաւինեալ տպագրեալ մատեանս, յորոց ի միում ցուցակագրեսցին ամենայն կահք



և կարասիք ուսումնարանաց, ևս և գրեան և այլ ուսումնական պիտոյք և ի միւսումն՝ նշանակեցին գրամական մուտք և ծախք ուսումնարանաց:

38. Հոգաբարձուք կամ անձնավոր խանորդք յընթացս պաշտօնավարութեան չունին իրաւունս ի վարձու առնուլ զկալուածս և անձամբ շահեցուցանելոյ զգումարս եկեղեցւոյն և ուսումնարանին:

39. Ռոճիկ համօրէն պաշտօնէից սահմանի ի հոգաբարձուաց ըստ հաստատութեան թեմակալ Առաջնորդաց, հայելով ի գրամական կարողութիւն ուսումնարանին:

40. Յաւարտ պաշտօնավարութեան իւրեանց հոգաբարձուք յանձնեն նորոգ ընտրելոցն զամենայն կայս և զգոյս, հաշուեմատեանս և զմնացորդ գումարս ուսումնարանին, և եթէ լիցի կորուստ

ինչ յընթացս պաշտօնավարութեան  
իւրեանց ի գումարաց և ի կայից ու-  
սումնարանին, պարտաւորին յանձանց  
վճարել փոխադարձ երաշխաւորու-  
թեամբ:

Գ. ՅԱՂԱԳՍ ՈՒՍՈՒՅԶԱՅ.

41. Ամենայն ոք, որ կամիցի նուի-  
րել զանձն ի կոչումն մանկավարժա-  
կան և կարգիլ ի պաշտօն ուսուցչու-  
թեան ի ծխական-եկեղեցական ուսում-  
նարանս Հայոց, պարտի խնդրամատոյց  
լինիլ յանուն Նորին Վեհափառու-  
թեան, կցելով ընդ խնդրագրոյն զվկա-  
յական ուսման, ևս և ծանուցանելով  
զանցեալ գործունէութենէ իւրմէ:

42. Ս, յնպիսիք միայն կարգին ի պաշ-  
տօն ուսուցչութեան, որք մոլծեալ լի-  
նին յընդհանուր ցուցակ ուսուցչաց  
և ուսուցչուհեաց, հաստատեալ ի Վե-  
հափառ Հայրապետէ:

43. Մուծեալքն յընդհանուր ցուցակ ուսուցչաց և ուսուցչուհեաց յընտրելն ինքեանց տեղի պաշտօնավարութեան ի ծխական եկեղեցական ուսումնարանս ըստ իւրաքանչիւր թեմի՝ մատուցանեն խնդիր առաջնորդի այնր թեմի, յորում գտանի ուսումնարանն:

44. Ուսուցիչք և ուսուցչուհիք, որք կամին ծառայել յուսումնարանս՝ պահպանեալս ընդ ձեռն խնամակալաց, մատուցանեն խնդիր յանուն նախագահի նոցին, որ և առաջի առնէ խնամակալաց յընտրութիւն և ի հաստատութիւն, և զկարգմանէ ուսուցչաց և ուսուցչուհեաց ծանուցանէ առաջնորդի թեմին: Նայնպէս լինի և նշանակութիւն աւագ ուսուցչի և աւագ ուսուցչուհւոյ:

45. Ընտրութիւն ուսուցչաց և ուսուցչուհեաց լինի յընդհանուր ցուց-

ցակէն, հաստատելոյ ի Վեհափառ Հայրապետէ, ըստ այսմ եղանակի:

ա. Թեմական առաջնորդն, ընտրելով յընդհանուր ցուցակէն, կարգէ զմի ոմն յարժանաւորաց ի պաշտօնն աւագ ուսուցչի կամ աւագ ուսուցչուհւոյ և յանձնէ նմա հրաւիրել զուսուցիչս և զուսուցչուհիս վասն նշանակեալ տեղւոյն:

բ. Աւագ ուսուցիչն կամ ուսուցչուհին յետ խորհրդակցելոյ ընդ տեղական հոգաբարձուաց ընտրէ զուսուցիչսն և զուսուցչուհիս յընդհանուր ցուցակէն և առաջարկէ ի հաստատութիւնն Թեմական Առաջնորդին:

46. Ոչ է մարթ երկուց ուսումնարանաց կարգել զմի աւագ ուսուցիչ կամ զմի աւագ ուսուցչուհի:

47. Աւագ ուսուցչին կամ աւագ ուսուցչուհւոյն յանձն լինի մերձաւոր

հսկողութիւն ուսումնարանի ըստ ուսումնական և բարոյական մասին, այն է.

ա. Հսկել ի վերայ կանոնաւոր և արդիւնաւէտ դասաւանդութեան ուսուցչաց և ուսուցչուհեաց.

բ. Հրահանգել զաշակերտեալս ի բարոյական դաստիարակութեան և ի վարքս պարկեշտութեան.

գ. Նախագահել մանկավարժական խորհրդոց.

դ. Անթերի ի կատար ածել զամենայն կանոնս և զհրահանգութիւնս ևս և զծրագիր ուսմանց, որ տուեալ է եկեղեցական-ծխական ուսումնարանաց ի գործադրութիւն.

ե. Պահել զցուցակ աշակերտելոց.

զ. Առաջի առնել Առաջնորդին և հոգաբարձսութեանն զկիսամեայ համա-

ուտ տեղեկագիր ի ՅուՆուար ամսեան  
և զտարեկան մանրամասն տեղեկագիր  
ի Յունիս ամսեան.

Է. Տանել խմբովին զաշակերտեալս  
յեկեղեցի ի կիւրակէս և ի տօնական  
աւուրս հանդերձ ուսուցչօք և ու-  
սուցչուհիօք, նախապէս բացատրելով  
աշակերտելոցն զխորհուրդ աւուրն.

Ը. Հսկել, զի պահպանեսցին ի կա-  
նոնաւորութեան օրագրական մատեա-  
նըն և ցուցակք աշակերտելոց.

Թ. Յաւարտ իւրաքանչիւր ամի զա-  
մենայն թուղթս և զմատեանս՝ եղեալս  
ի ձեռս իւր յընթացս ուսումնական  
տարւոյ, յանձնել հոգաբարձութեան  
առանձին ցուցակաւ.

Ժ. Պատրաստել զվկայականս ուսման  
և ստորագրութեամբ նախագահի հո-  
գաբարձութեան և իւր ինքեան և վա-

ւերացուցեալ ուսումնարանական կրն-  
քով, անցուցանել յառանձին մատեան  
ուսումնարանին, և տալ ծնողաց ման-  
կուղոյն կամ խնամակալաց նոցա՝ ստորա-  
գրութեամբ ընդունողացն ի մատենին:

Ե. ՅԱՂԱԳՍ ՄԱՆԿԱՎԱՐԺԱԿԱՆ

ԽՈՐՀՐԴՈՅ.

48. Խնդիրք զբաղմանց մանկավար-  
ժական խորհրդոյ են.

ա. Ընտրութիւն աշակերտելոց յետ  
նախընթաց հարցաքննութեանց.

բ. Արձակումն աշակերտելոց յըն-  
թացս ուսման և յետ աւարտից ուս-  
ման.

գ. Տեղափոխութիւնք աշակերտելոց  
ըստ յառաջադիմութեան.

դ. Ընտրութիւն գասապրոց ի հաս-  
տատեալ ցուցակէ, և այլ ուսումնա-

կան պարագայից, նմանապէս և ընտրութիւն մատենից ի պէտս գրադարանի.

Է. Վաղմուծիւն ցուցակի տարեկան հարցաքննութեանց.

Ը. Համարատուութիւնք ուսուցչաց և նկատողութիւնք ըստ ամսական յառաջադիմութեան և վարուց աշակերտելոց.

Է. Հայթայթումն հնարից, զի մի ծանրաբեռնեացին աշակերտեալքն և եթէ մարթ իցէ, ազատք լիցին ի տնական պարապմանց քան զկարն իւրեանց.

Ը. Արժանացուցանել վկայականի ուսման զամենայն աւարտողսն ընթացից մի և երկդասեան ուսումնարանաց:

---



Զ. ՅԱՂԱԳՍ ԱՇԱԿԵՐՏԱՑ ԵՒ  
ԱՇԱԿԵՐՏՈՒՀԵԱՑ:

49. Թիւ աշակերտելոց յիւրաքան-  
չիւրում բաժանման պարտի լինիլ ոչ  
աւելի քան զվաթասուն, իսկ եթէ ըստ  
պիտոյից տեղւոյն հարկ լիցի միաւորել  
ի միում սենեկի զերկուս կամ նաև  
զերիս բաժանմունս, յայն դէպս իսկ՝  
թիւ աշակերտաց կամ աշակերտու-  
հեաց ոչ կարէ առաւելուլ քան զվերոյ՝  
գրեալն:

50. Ի պահանջել հարկին մարթ է  
բանալ առ միում միում բաժանման  
զուգընթացս հանդերձ առանձինն ու-  
սուցչօք կամ ուսուցչուհեօք:

51. Յառաջնումն բաժանման առաջ-  
նոյ դասարանի եկեղեցական-ճիսական  
ուսումնարանաց ընկալեալ լիցին ման-  
կունք, որոց հասակ իցէ ոչ պակաս քան  
զութ ամ և ոչ աւելի քան զտասն:

և ըստ այսմ համեմատութեան ի յա-  
ջորդ բաժանմունս:

52. Յանկացողք մտանել յուսում-  
նարան՝ մատուցանեն նախագահի հո-  
գաբարձութեան ընդ խնդրագրոց ըզ-  
վկայական ծննդեան:

53. Ժամանակ ընդունելութեան ա-  
շակերտաց և աշակերտուհեաց է եր-  
կիցս ի տարւոջ, այսինքն ի սկիզբն տա-  
րեկան ուսմանց և ի Յունուարի:

54. Աշակերտք և աշակերտուհիք,  
որք մտանիցեն ի Յունուար ամսեանն,  
պարտին պատրաստ լինիլ տալ քննու-  
թիւն յընթացից առաջին կիսամեկի:

55. Աշակերտք և աշակերտուհիք  
ընդ ուսուցչաց և ընդ ուսուցչուհեաց  
իւրեանց հաղորդին Ս. Խորհրդոյ գէթ  
միանգամ ի տարւոջ յաւուրս տօնից Ս.  
Յարութեան Տեառն:

56. Իւրաքանչիւր ոք յաշակերտելոց հատուցանէ ուսումնարանին զնշանակեալ ի հոգաբարձութենէ գումար յազագս ուսման:

57. Իւրաքանչիւր ոք յաշակերտելոց ընդունի յուսումնարանէն զամենայն ուսումնական պիտոյս (այն է՝ դասագիրս, տետրակս, թուղթս, կապարագրիչս, գրիչս և այլն), վճարելով զմիանուագ սահմանեալ առ այն տարեկան չափաւոր տուրս յօգուտ ուսումնարանին:

58. Աշակերտեալք, որք են ի վկայեալ չքաւորաց, ըստ կարգագրութեան հոգաբարձութեան ազատ յինին յուսումնահարկէ և յայլոց տրոց կամ ամբողջովին և կամ մասամբ:

Է. ՅԱՂԱԳՍ ՈՒՍՄԱՆ.

59. Յեկեղեցական — Յիսական ուսումնարանս Հայոց աւանդին ուսմունք սահմանեալք առանձին ծրագրաւ:

60. Իսասաւանդութիւն աւարկայից լիցի Հայ լեզուաւ, բաց ի Ռուսաց լեզուէ, ի Ռուսաց պատմութենէ և յաշխարհագրութենէ Ռուսաստանի, որք աւանդին Ռուս լեզուաւ:

Մանօթ. Պատմութիւն Ռուսաց և աշխարհագրութիւն Ռուսաստանի աւանդին յայնոսիկ ուսումնարանս, յորս աւանդին ընդհանուր պատմութիւն և ընդհանուր աշխարհագրութիւն:

61. Յաւարտ ընթացից ուսման աշակերտաց և աշակերտութեաց լիցի՝ հարցաքննութիւն առաջի հոգաբարձուաց և ծնողաց աշակերտելոցն:

62. Մանկունք՝ որք յառաջագէմ երեեսցին ի հարցաքննութիւնս, տեղափոխեսցին ի յաջորդ բաժանմունս և աւարտողքն ընկալցին զվկայական ուսման:

63. Աշակերտք և աշակերտուհիք՝  
որք ոչ յառաջադիմեսցեն, կարեն մը-  
նալ ամ մի ևս ի նմին բաժանման:

64. Յաւարտ հարցաքննութեան կազ-  
մեսցի արձանագրութիւն ստորագրու-  
թեամբ նախագահի հոգաբարձութեան,  
ուսուցչաց և ուսուցչուհեաց, յո-  
րում նշանակին արդիւնք հարցաքննու-  
թեան և անուանք աշակերտաց և ա-  
շակերտուհեաց՝ որք արժանաւորք իցեն  
փոխադրութեան կամ վկայագրոյ, ևս  
և անուանք աշակերտաց կամ աշա-  
կերտուհեաց՝ մնացելոց ի նոյն բա-  
ժանմունս, կամ իսպառ արձակելոց  
յուսումնարանէն, և արձանագրու-  
թիւնն այն առաքեսցի ի հաստատու-  
թիւն Առաջնորդի, որ վաւերացուցեալ  
զկանոնաւորութիւն այնորիկ՝ յետս  
դարձուցէ ի դործադրութիւն և ի  
պահպանութիւն յուսումնարանին:

65. Ժամանակ ամառնային արձա-  
կուրդի որոշեսցի ի քաղաքս ի 15-էն  
Յունիսի ց25 Օգոստոսի, իսկ ի գիւղո-  
րայս սահմանի ըստ տեղական հանգա-  
մանաց, այն է՝ ի ժամանակի հնձոց,  
այգեկթից՝ ըստ որոշման հոգաբար-  
ձութեան, զոր միանգամ ընդ միշտ  
հաստատեսցէ Առաջնորդն:

66. Աշակերտք և աշակերտուհիք  
եկեղեցական — ծխական ուսումնարա-  
նաց արձակին յաւուրս կիւրակէից  
և տօնից՝ նշանակելոց յառանձին ցու-  
ցակի՝ հաստատելոյ ի Վեհափառ Հայ-  
րապետէ ամենայն Հայոց:











